



Broj: JN1-03-16-7-3-9/22
Sarajevo, 14.6.2022.

Na osnovu čl. 69. stav (3) i 70. Zakona o javnim nabavkama ("Službeni glasnik BiH", broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), Kolegij Sekretarijata Parlamentarne skupštine Bosne i Hercegovine u postupku nabavke usluga obaveznog i kasko osiguranja službenih vozila Parlamentarne skupštine Bosne i Hercegovine, donosi

ODLUKU o otkazivanju postupka nabavke

I.

Postupak konkurenskog zahtjeva za dostavu ponuda za nabavku usluga obaveznog i kasko osiguranja službenih vozila Parlamentarne skupštine Bosne i Hercegovine otkazuje se zbog poništavanja Tenderske dokumentacije Ugovornog organa, broj: JN1-03-16-7-3-6/22, od 26.4.2022. i broj: JN1-03-16-7-3-8/22, od 6.5.2022. od strane Ureda za razmatranje žalbi, Rješenjem, broj: JN2-01-07-1-1332-6/22, od 26.5.2022. zaprimljenim kod Ugovornog organa 3.6.2022.

II.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga obaveznog i kasko osiguranja službenih vozila Parlamentarne skupštine Bosne i Hercegovine, broj: JN1-03-16-7-3/22, od 22.3.2022. Ukupna procjenjena vrijednost nabavke za period jedne godine iznosila je 30.000,00 KM sa PDV-om. Komisija za javnu nabavku imenovana je Rješenjem Kolegija Sekretarijata, broj: JN1-03-16-7-3-2/22, od 22.3.2022. Tenderska dokumentacija, broj: JN1-03-16-7-3-6/22, od 26.4.2022. objavljena je u sistemu „E-nabavke“, kao i Obavještenje o nabavci, broj: 166-7-2-10-3-20/22, od 26.4.2022. Poziv za preuzimanje tenderske dokumentacije iz sistema "E-nabavke" upućen je na tri ponuđača i to:

1. ASA OSIGURANJE d.d., Trg međunarodnog prijateljstva 25, 71 000 Sarajevo
2. GRAWE OSIGURANJE d.d., Trg solidarnosti 2, 71 000 Sarajevo
3. TRIGLAV OSIGURANJE a.d., Trg srpskih junaka 4, 78 000 Banja Luka

Dana 28.4.2022. ponuđač Sarajevo-osiguranje d.d. je putem sistema "E-nabavke" postavio pitanje u vezi s tenderskom dokumentacijom, na koje je odgovoreno 29.4.2022.

Dana 5.5.2022. ponuđač Euroherc osiguranje d.d. je putem sistema "E-nabavke" postavio pitanje u vezi s tenderskom dokumentacijom, na koje je odgovoreno 6.5.2022.

Ugovorni organ je dana 6.5.2022. u sistemu "E-nabavke" objavio Izmjene tenderske dokumentacije Ugovornog organa, broj: JN1-03-16-7-3-8/22, od 6.5.2022. kao i Ispravku za Obavještenje o nabavci, broj: 166-7-2-10-8-25/22, od 6.5.2022.

Tendersku dokumentaciju za nabavku usluga obaveznog i kasko osiguranja službenih vozila iz sistema "E-nabavke" preuzelo je ukupno 13 ponuđača, dok je Izmjene tenderske dokumentacije preuzelo 10 ponuđača.

Na Tendersku dokumentaciju Ugovornog organa Žalbu je dana 9.5.2022. putem pošte uložio ponuđač ASA OSIGURANJE d.d. Sarajevo, zastupan po punomoćniku Advokatskom društvu VAC Legal d.o.o. Sarajevo – advokat Ermin Veličanin (u daljem tekstu: Žalitelj) sa jednim žalbenim navodom.

Navedena žalba je u Ugovornom organu zaprimljena pod brojem: JN2-03-16-7-4/22, od 11.5.2022. Komisija za javnu nabavku Ugovornog organa razmotrila je Žalbu Žalitelja, te svoje Izjašnjenje po žalbenom navodu, pod brojem: JN2-03-16-7-4-2/22, od 12.5.2022. dostavila Kolegiju Sekretarijata.

Kolegij Sekretarijata je u potpunosti bio saglasan sa zauzetim stavom Komisije za javnu nabavku iz Izjašnjenja, broj: JN2-03-16-7-4-2/22, od 12.5.2022., te shodno tome ocijenio da je žalbeni navod u cjelosti neosnovan, te svoje Izjašnjenje, broj: JN2-03-16-7-4-3/22, od 13.5.2022., zajedno sa žalbom i ostalom dokumentacijom proslijedio na razmatranje i odlučivanje drugostepenom organu.

Ured za razmatranje žalbi je dana 3.6.2022. dostavio svoje Rješenje, broj: JN2-01-07-1-1332-6/22, od 26.5.2022. kojim je usvojena Žalba Žalitelja i poništena Tenderska dokumentacija Ugovornog organa, te naloženo plaćanje troškova žalbenog postupka, a na osnovu kojeg je Kolegij Sekretarijata, u smislu čl. 69. stav (3) Zakona o javnim nabavkama, odlučio kao u dispozitivu.

Pravna pouka:

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u dovoljnom broju primjeraka, koji ne može biti manji od 3 (tri).

Dostavljeno:

- svim učesnicima u postupku
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____